



一領胖線袂仔

冬下時，東北風寒颼颼(xiuˋ)仔，細人仔在學校讀書，歸日仔活活跳(tiauˋ)，毋知寒熱。係堵著天時一下寒、一下熱，一毋堵好就會寒著。喊佢兜著加領衫，若(naˊ)人个愛佢兜个命樣仔。慁做慁愁，佢兜做佢兜樂線。該就來刺(qiagˋ)一領胖線袂仔——無袖仔，毋會兵擲齒扯杈著佢兜行動，就像佢兜嬰兒仔時節，驚佢兜蹬(demˋ)被，用來貼(dabˋ)等肚屎个肚圍仔共樣。

火灰白、水色、柑仔色三種色水个胖線，馴馴、活跳(tiau)、燒暖就像三個共娘胞胎，無共樣性體个細人仔共樣。一針一針仔紮(kien)等胖線，恁起自家還細个時節，跔阿婆在灶下接冬節个板圓。阿婆講：「這雪圓，乜有人講係『惜圓』，愛細心細意接，魯夫毋得哦，正會圓，正會靚。若姆有惜你無？兩子哀有緣無？」有啊！兩子哀、兩子阿婆都異有緣。

係呀！愛有惜正有緣！佢一針一針仔繆「惜」紮落去：「惜…惜…惜……」。紮到轂轂(gugˋ)、紮到勻勻，一針都無同佢跌忒。想著言會轉側个嬰兒仔，一瞞目，會行、會走、會唱歌仔、會跳舞、有好分人使嘴了……，毋多知仔，一領淦淦淦惜个袂仔，就刺好了嘍。

該領火灰白个袂仔，幼骨个妹仔年年寒天都拿出來著：對細人仔著到人條仔，乖乖大。佢講袂仔當燒暖，做毋得偷偷仔繆佢擢(vogˋ)忒，就單淨拜託佢繆該衫腳放較濃(ngiung)兜仔定定；佢聽著心肝肚乜異燒暖。另日，正來刺加一領「幸福…幸福…幸福…」个胖線袂仔分佢，保護佢有一個幸福个家庭。

作者：彭瑞珠

☆詞彙學習☆

【袂仔】gabˋ eˋ：背心。

【轉側】zonˋ zedˋ：轉身。

【冬下時】dungˊ haˊ siiˋ：冬天。

【人條仔】nginˋ tiauˋ eˋ：青少年。

【若人个】naˊ nginˋ ge：像是。

☆文法學習☆

【兜】：表複數，與些、們、等用法相當。如：加在人稱代名詞「佢、你、佢」之後，為「佢兜、你兜、佢兜」（我們、你們、他們）。

【S_{主詞}+做+S_{主詞}+V_{動詞}】：逕自、自顧自地做某事。

例1：你做你去無閒，佢會自家去邊。（你儘管去忙，我會自己去走走。）

例2：佢出門無繆火灼忒，電扇也做佢捩歸日仔。（他外出沒有把燈關掉，電扇也讓他轉了一整天。）